

Bláar stjórnur til að fylgjast með árið 2022

Íslenski sjávarklasinn hefur tekið saman lista yfir þau litlu fyrirtæki eða sprota sem tengjast hafinu eða vatnasviði landsins og sem áhugavert verður að fylgjast með á nýju ári.

Þegar litið er yfir allt frumkvöðlaumhverfið sem tengist bláa hagkerfinu má sjá gríðarlega fjölbreytni og ótrúlegan fjölda fyrirtækja. Það sem einkennir sviðið þessi misserin er m.a. vaxandi fjöldi fyrirtækja sem tengjast þara og þörungarækt og margvíslegu fiskeldi. Þá hefur fyrirtækjum, sem þróa ýmis bætiefni og heilsuvörur úr fiski og þörungum fjölgað nokkuð og sum hafa náð fótfestu á skömmum tíma utan Íslands. Þá á tæknigeirinn flotta fulltrúa í þessum hópi. Þar eru meðal annars fyrirtæki sem auka líftíma vara, sinna rekjanleika matvöru og tækni sem tengist skipum.

Bróðurpartur blárra frumkvöðlafyrirtækja hérlendis tengjast með einum eða öðrum hætti hringrásarhagkerfinu og eru því á hárréttum tíma að koma fram með nýsköpun sína einmitt þegar vaxandi áhugi er á fjárfestingum í fyrirtækjum af því tagi. Vonandi verður einnig hægt að fullyrða að fyrirtækin séu vel sett að taka sín fyrstu skref í íslensku rekstrarumhverfi árið 2022! Stærstu áskoranirnar í þeim efnum eru m.a. óstöðugt gengi, hár rekstrarkostnaður og skortur á fjárfestum með reynslu og erlent tengslanet á þessum sviðum. Sú þekking fer þó vaxandi.

Að þessu sinni eru tólf fyrirtæki nefnd sérstaklega sem áhugavert verður að fylgjast með á árinu. Hér á eftir verður þeim gerð skil:

Hefringmarine.com

Nýsköpunarfyrirtækið Hefring þróa búað sem ráðleggur skipstjórum hve hratt eigi að sigla miðað við aðstæður. Viðtökur erlendis hafa verið afar góðar og fyrirtækið hefur jafnframt tryggt sér fjármögnun til frekari þróunar og sölu.

Responsiblefoods.is

Fyrirtækið Responsible Foods kynnti á árinu heilsusamlegt snakk sem unnið er úr íslensku hráefni. Innlendir fjárfestar komu að uppbyggingunni með stofnendunum og miklar væntingar eru um að vörulína fyrirtækisins veki áhuga á hraðvaxandi markaði á þessu sviði.

Ankeri.net

Ankeri hefur þróað hugbúnað sem tvinnar saman hagsmuni eigenda og leigjenda skipa með bættri upplýsingagjöf, betri orkunýtingu og minni útblæstri skipaflotans. Þannig leggur Ankeri sitt af mörkum í grænni þróun og orkuskiptum heimsflotans.

Optitog.com

Fyrirtækið Optitog hefur þróað umhverfisvænan og byltingarkenndan búað til veiða sem skemmir ekki hafsbótinn og dregur úr eldsneytisnotkun við veiðar. Tímamótatækni sem getur stórbætt umgengni sjávarútvegsfyrirtækja við hafið.

Genis.is

Líftæknifyrirtækið Genis á Siglufirði hefur langa reynslu í þróun kítínfásykra úr rækjuskel. Þróun af þessu tagi tekur langan tíma og mikla þolinmæði. Verður 2022 ár Genis?

Thorice.is

Thorice hefur vaxið jafnt og þétt undanfarin ár og þróað á þeim tíma umhverfisvænar lausnir til að lengja líftíma matvæla og draga úr sóun. Þessi tækni og þekking, sem fyrirtækið hefur aflað sér, lætur ljúflega í eyrum fjárfesta.

Marea.is

Sprotafyrirtækið Marea er að þróa filmur úr þaraplasti. Um leið er þessi sproti að huga að frekari þróun á þessu sviði. Allt sem við höfum séð frá Marea vekur áhuga og væntingar um að þarna geti leynst gríðarleg tækifæri.

Eylíf.is

Sprotafyrirtækið Eylíf hefur vakið athygli fyrir fjölbreytta vörulínu af íslenskum náttúruæfnum. Viðtökur innlendra neytenda hafa farið langt fram úr væntingum og það er án efa besta vísbendingin um tækifærin í útrás.

Ýmis önnur nýsköpunarfyrirtæki mætti nefna sem einnig verður spennandi að fylgjast með á næstu misserum. Í því sambandi má nefna Margildi, Marine Collagen, Tracio, Matorku, Primex, Omegaalgae, Arcanabio, Nordic Fish Leather, North, Feel Iceland, Feed the Viking og Sæbýli. Þá eru að koma fram sífellt fleiri fyrirtæki í þaraeldi og fiskeldi sem verða án efa áberandi á komandi árum.

Við söknum fleiri líftæknisprotu sem tengjast hafinu og vatnasviði landsins og munum reyna að hlúa enn betur að sprotum á því sviði.

Við óskum frumkvöðlafyrirtækjunum til hamingju með árangurinn og minnum á að Íslenski sjávarklasinn vill liðsinna eins og kostur er öllum þessum bláu stjörnum Íslands!

Taramar.is

Taramar vörur byggja á áralöngum rannsóknum og þróun húðvara úr íslenskum náttúruæfnum. Fyrirtækið er með einkaleyfisvarna vöru sem nýtur vaxandi vinsælda utan Íslands.

Unbrokenrtr.com

Vatnsrofin laxaprótein eru uppistaðan í hinni einstöku vörulínu Unbroken. Að baki liggja margháttadar rannsóknir en mesta athygli hefur vakið gríðarlegar vinsældir þessarar ofurfæðu hjá þekktu íþróttafólki víða um heim. Hér er eitthvað stórt að gerast!

Algalif.is

Algalíf hefur náð forystu í framleiðslu á ofurefninu axtazhantin sem þróað er úr þörungum sem framleiddir eru með hreinu íslensku vatni og -orku. Hér er á ferðinni fyrirtæki sem kann að verða Marel þörunganna!

Idunnh2.com

Sprotafyrirtækið IðunnH2 stefnir að stórframleiðslu á vetni sem opnar möguleika á að flýta orkuskiptum m.a. í sjávartúningi!